


Engeri Ez'enjawulo Ez'okweteekateekera Ezzadde



USAID
FROM THE AMERICAN PEOPLE



Luganda

Engeri Ez'enjawulo Ez'okweteekateekera
Ezzadde

Luganda
Kenya

Copyright © 2019, Christian Connections for International Health



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

Adapted from original, Copyright © 2017, Institute for Reproductive Health at Georgetown University. Licensed under CC-BY 4.0.

This Bloom book was adapted from a method mix tool originally designed by the Institute for Reproductive Health at Georgetown University for use under the Advancing Partners and Community Project. It was translated into Luganda by Nathan Ssemambo and Nalubowa Maria.

The illustration on the cover is by Jean-Marie Boayaga, © 2009 SIL International, from International Illustrations: The Art of Reading 3.0, under the CC-BY-ND license.

The image on page 21 is by Bruce Blaus, © 2016 Bruce Blaus. CC-BY-SA 4.0.

The images on page 23 are by Mark Beisser, © 2007 Johns Hopkins Center for Communication Programs, Courtesy of Photoshare. CC-BY-NC 4.0. For use only in health materials. All other illustrations are © Institute for Reproductive Health at Georgetown University.

The section on Emergency Contraception is adapted from "Facts for Family Planning" FHI360. 2013. Durham, North Carolina: FHI360/Communication for Change Project.

Scripture taken from Ekitabo Ekitukuvu, Baibuli (LBR) Copyright © Bible Society of Uganda. All rights reserved worldwide. Accessed through www.biblegateway.com.

Ebiri mu Kitabo Kino

Byosaanye Okumanya	2
Okuyonsa	6
Empeke	8
Empiso	10
Akaweta k'oku mukono	12
Okubala embira	14
Nnakubbiri	16
Akapiira k'abaami	18
Akapiira k'abakazi	20
Akaweta k'oku nnabaana	22
Okusala enseke z'omukazi	24
Okusala enseke z'omusajja	26
Empeke emiribwa nga waakamala okwegatta	28

Byosaanye Okumanya

Entegeka y'ezzadde kye ki?

Kwe kusalawo ku muwendo gw'abaana be mwagala okuzaala, be munaasobola okulabirira na ddi lwe munaabazaala. Mu ngeri endala, kwe kwewa obudde obumala nga tonnazza ku mwana ppaka ng'embeera y'obulamu neetegefu. Kino kiyamba abazadde okusalawo ddi omukyala lw'anaafuna olubuto n'okwewala okulufuna nga talwetegekedde.

Lwaki entegeka y'ezzadde yeetaagisa?

Entegeka y'ezzadde yeetaagisa kubanga okusalawo ku muwendo gw'abaana na ddi lwe munaabafuna kiyamba omwana, maama wamu n'ab'omu maka bona.

Ssinga abazadde beeteekerateekera olubuto, ebiseera ebisinga omwana azaalibwa aba mulamu bulungi ate ayonsebwa ebbanga ddene n'akula bulungi. Maama agenda okufuna olubuto olulala ng'azzeewo era aba n'ekiseera ekimala okulabirira omwana we n'ab'omu makaage. Amaka nago gaba n'obusobozi okufuna ebikozesebwa ebimala ng'emmere, eby'okwambala, aw'okusula n'okutwala abaana ku ssomero.

Weetegereze:

Bamaama n'abaana okuba obulungi, kiba kirungi abakazi ne bazaalira wakati w'emyaka 18 ku 35.

Oluvannyuma lw'okuzaala, basaana bayiseewo emyaka ebiri okuddamu okufuna olubuto. Ne bwaba ng'omukazi avuddemu olubuto, asaanye ayiseewo emyezi mukaaga okufuna olubuto olulala.

Ekitaboo

Ekitaboo kiraga engeri za mirundi kkumi n'ebiri ez'enjawulo ezikozesebwa obudde obumala nga tonnazza ku mwana. Kiraga enkola ya buli ngeri n'ebiyinza okuddirira oluvannyuma lw'okugikozesa.

Wekkaanye enkola ya buli ngeri n'ebiyinza okuddirira era ogyogerekko n'omwagalwawo. Buli nkola erimu ebirungi n'ebisoomooza n'olwekyo yogera n'omusawo akuli okumpi ayongere okukuwabula ku ngeri esaanidde. Kino kikulu nnyo naddala bwe kiba ng'omu ku mmwe alina akawuka akaleeta mukenenya.

Jjukira **kino:** Osobola okusalawo ku ngeri y'entegeka y'ezzadde ekusaanira.

Bayibbuli ky'eyogera ku bino

Okwewa obudde obumala nga temunnazza ku mwana, emu ku ngeri omusajja gyalagamu okufaayo eri mukazi we wamu n'amakaage. Ssinga maama oba omwana afuna obuzibu, amaka gonna ganyigirizibwa.

"Era ekitundu ky'omubiri ekimu bwe kibonaabona, ebitundu byonna bibonaabonera wamu nakyo."1
Abakkolinso 12:26a.

N'olw'ekyo, okukola ebikolwa ebiraga okufaayo eri omuntu omu ku abo ab'omu maka, kiba kiraga okufaayo eri buli omu mu maka ago era bwe kityo n'omubiri gwa Kulisito gwonna.

Katonda atusuubira okutwala obuvunaanyizibwa eri amaka gaffe wamu n'okugalabirira. Kino kitegeeza nti tulina okuzaala abaana betusobola okulabirira, okuwa ebyetaago wamu n'okusomesa.

"Naye omuntu yenna bw'atajjanjabe nga babe, n'okusinga ab'omu nnyumba ye, nga yeegaanye okukkiriza era nga ye mubi okusinga atakkiriza."1
Timoseewo 5:8.

Katonda yalagira Adamu ne Kaawa okulabirira ebitonde byonna mu ngeri ey'obuvunaanyizibwa.

"Katonda n'abawa omukisa, Katonda n'abagamba nti, mweyongerenga, mwalenga mujuze ensi mugirye: mufugenga eby'omu nnyanja, n'ebibuuka waggulu na buli ekirina obulamu ekitambula ku nsi."1
Olubereberye 1:28.

Ekiragiro ekigamba nti muzaale, mwale, mujuze ensi,
tekyaweebwa muntu omu, wabula buvunaanyizibwa
bwa fenna. Emu ku ngeri ez'okulaga
obuvunaanyizibwa mu maka kwe kwewa obudde
obumala nga tonnazza ku mwana ku lw'obulungi
n'obulamu bwa maama, omwana n'ab'awaka bonna.

Okuyonsa Okwonsa

Enkola y'okuyonsa ekola etya?

Enkola ey'okuyonsa (Lactational Amenorrhea Method) eremesa maama okufuna olubuto olulala ssinga aba ayonsa omwana we buli kaseera (emisana n'ekiro) era ng'ebintu bino wammanga bwe biri ku ye:

1. Nga tagenda mu nsonga okuva lw'azaala omwana.
2. Ng'omwana amukuumira ku kuyonka kwokka awatali kumuwa byakulya oba byakunywa birala.
3. Ng'omwana tannaweza myezi mukaaga.

Ebiyinza okuddirira

Abakazi bayinza obutagenda mu nsonga nga bayonsa. Embeera eno eyinza okubabaako okumala ebbanga oluvannyuma lw'okuzaala.

Okuyonsa

1



2



3



Empeke

Empeke zikola zitya?


Omukazi amira empeke (Pill) emu buli lunaku. Eno eziyiza omukazi okufulumya *amagi*. Awo bwe yeegatta n'omusajja n'amuwa enkwaso, ziba teziisangewo magi kutonda mwana.

Ebiyinza okuddirira

1. Abakazi abamu bagenda mu nsonga emirundi egisukka oba egitatuukana gya bulijjo. Kuno gattako okulumizibwa mu ndira nga baakatandika okuzikozesa. Kino tekirina bulabe era kya bulijjo.
2. Abakazi abamu bafuna okutawaanyizibwa mu ndira n'okulumizibwa omutwe. Naye era bino byonna biggwaawo oluvannyuma lw'emyezi egisooka.

Jjukira: Empeke eno olina okugimira mu budde bwe bumu buli lunaku.

Empeke



Empiso

Empiso ekola etya?

Eno eba mpiso (injectable) ekubibwa omukazi okulemesa eggi okufuluma. Omukazi akozesza enkola eno ateekeddwa okufuna empiso endala buli luvannyuma lwa myezi esatu ssinga aba tanneeteekerateekera kufuna lubuto. Mu mulwaliro agatali gamu, oyinza okusangayo empiso ez'engeri ez'enjawulo.

Ebiyinza okuddirira

Omukazi alina okufuna empiso buli luvannyuma lwa myezi esatu.

Bino wammanga biyinza okumutuukako:

1. Okufuna enkyukakyuka mu nnaku zaagenderamu mu nsonga, okufulunya amatondo g'omusaayi, oluusi n'obutagendera ddala mu nsonga. Kino sikuabulabe era kitera okubaawo.
2. Omugejjo

Weetegereze: Omukazi asobola okutwala ebbanga eddene nga tafuna lubuto oluvannyuma lw'okuva ku mpiso.

Empiso



Akaweta k'oku mukono


Kakola katya?

Omusawo ateeka akaweta akalinga akati (implant) mu lususu wansi w'omukono okuliraana enkwawa. Kano kaziyiza omukazi okufuna olubuto okumala ebbanga eriri wakati w'emyaka esatu n'etaano bwaba tannalweteekerateekera. Akaweta kano kajjibwamu omusawo ekiseera kyonna omukazi wayagalira okuddamu okuzaala.

Ebiyinza okuddirira

1. Okugenda mu nsonga mu kiseera ekitali kya bulijjo, okuvaamu omusaayi omungi ng'oli mu nsonga oba obutazigenderamu ddala. Kino kya bulijjo era tekirina bulabe bwonna.
2. Okulumizibwa mu ndira mu myezi egisooka ng'omukazi yakatandika okukozaesa enkola eno.

Akaweta k'oku mukono



Ookubala embira

Ekola etya?

Omukazi akozesza embira eza langi ez'enjawulo (moon beads) ezitungiddwa ku wuzi enneetoolooovu okubala ennaku ze n'amanya ddi lw'ayinza okufuna olubuto. Kino akikola ng'akozesa langi ez'enjawulo okujjukira lwe yatandika okugenda mu nsonga na ddi lw'anaavaamu.

Mu nnaku zayinza okufuniramu olubuto (awali embira enjeru), abaagalana tebeetaba mu kikolwa. Bwe baba baakwegatta, waakiri bakozese akapiira.

Ebiyinza okuddirira


Enkola y'okubala embira terina buzibu bwonna. Ekikulu, mu nnaku omukazi mwayinza okufunira olubuto, abaagalana balina okukozesa akapiira oba obuteegattira ddala. Enkola y'okubala embira terina buzibu bwonna.

Langi z'embira

Embira eza kitaka: Embira enjeru:

Emikisa gy'okufuna
olubuto mitono

Oyinza okufuna olubuto



Embira eya kitaka omukwafu:

Kitegeeza nti ennaku
z'omala okudda
munsonga teziwera 26

Embira emmyufu:

Luno lwe lunaku olusooka
lw'ogenderamu mu nsong'a

Tandika okutambuza akalaga

Nnakubbiri

Enkola etya?

Mu nkola ya Nnakubbiri (TwoDay Method) omukazi yeekebera mu bukyala ng'akozesa engalo buli lunaku okulaba oba alina amazzi aganaanuuka. Bwe gaba gakyajja ennaku bbiri ez'omuddirinjanwa, kitegeeza nti aba asobola okufuna olubuto ku lunaku olwo.

Ssinga ayisaawo ennaku bbiri nga talaba mazzi ago, aba tasobola kufuna lubuto. Abaagalana bwe baba baagala okwewala okufuna olubuto mu nnaku ze bateekakasa, baba balina okukozesa akapiira oba okubivaako.

Ebiyinza okuddirira

Enkola eyitibwa Nnakubbiri terina buzibu bwonna. Elikulu, mu nnaku omukazi mw'ayinza okufunira olubuto, abaagalana balina okukozesa akapiira oba obuteegattira ddala okusobola okulwewala.

Nnakubbiri



Akapiira k'abaami

Kakola katya?

Omusajja ayambaza obusajja bwe akapiira (Male condom) ng'agenda okwegatta n'omukazi. Kino kikugira enkwaso z'omusajja okuyingira mu mukazi ne zisigala mu kapira.

Ebiyinza okuddirira

Kikulu nnyo abaagalana okukoza akapiira mu nkoza entuufu. Omusajja ateekeedwa okwambala akapiira akalala akatali kakozeseeko buli luutu (mulundi) y'okwegatta.

Akapiira k'abaami



Akapiira k'abakazi

Kakola katya?

Akapiira k'abakazi (Femidom) omukazi akateeka munda mu bukyala ng'abaagalana bagenda okwegatta okuziyiza enkwaso z'omusajja okuyingira mu bukyala.

Ebiyinza okuddirira

Kikulu nnyo abaagalana okukoza akapiira kano mu nkokoza entuufu. Omukazi ateekeeddwa okwambala akapiira akalala akatali kakozeseeko buli luutu y'okwegatta.

Weetegereze: Kakasa nti obusajja bw'omwaglwawo buzannyira mu kapiira ako ne bubeeramu ekiseera kye mumala nga muli mu kikolwa.

.

Akapüira k'abakazi



Akaweta k'oku nnabaana

Ekola etya?

Akaweta kateekebwa ku mumwa gwa nnabaana.


Akaweta akasinga okukozesewa kalimu ekirungo kya kkopa era kaziyiza enkwaso z'omusaja okutuuka awali eggı ly'omukazi.

Kasobola okugira nga kakyakola okumala ebbanga ly myaka nga 12.

Ebiyinza okuddirira

Mu myezi egisooka, omukazi akozesa enkola eno ayinza okulumizibwa mu ndira n'okuvaamu omusaayi omungi ng'ali mu nsonga.

Akaweta k'oku nnabaana



Okusala enseke z'omukazi

Ekola etya?

Okusala enseke z'omukazi (Tubal Ligation) kwe kusala oba okuzibikira enseke ezitwala amagi mu nnabaana. Enkola eno tetegeeza kujamu nnabaana era terina bulabe bwonna. Ekozesebwa abaagalana abatakyayagala kuzaala kubanga yalubeerera.


Ebiyinza okuddirira

Omukazi aba taliddam u kufuna lubuto.

Oluvannyuma lw'okusala enseke, afunamu okulumizibwa naye embeera eno emala akaseera katono n'eggwaawo.

Omukazi asigala agenda mu nsonga nga bulijo wabula ssinga afuna obubonero obulala obutali buno, aweebwa amagezi okulaba omusawo.

Okusala enseke z'omukazi



Okusala enseke z'omusajja

Ekola etya?

Okusala enseke z'omusajja (Vasectomy) kwe kusala oba okuzibikira enseke ezitwala enkwaso okuva mu nsigo z'omusajja okusisinkana eggi ly'omukazi nga beegasse mu kikolwa. Enkola eno tetegeeza kujamu nsigo za musajja.


Enkola eno terina bulabe bwonna. Ekozesebwa abaagalana abatakyayagala kuzaala kubanga yalubeerera.

Ebiyinza okuddirira

Okusala enseke z'omusajja tekikendeeza bwagazi; tekigaana busajja kusituka wadde okufulumya amazzi. Oluvannyuma lw'okusalibwa enseke, omusajja bwaba wakwegatta, aba alina okukozaesa enkola endala ng'akapiira okumala emyezi esatu.

Omwami asaliddwa enseke taddamu kuzaala.

Okusala enseke z'omusajja



Empeke emiribwa ngawaakamala okwegatta

Ekola etya?

Empeke emiribwa okuziyiza omukazi okufuna olubuto ekola ssinga agimira nga tewannayita nnaku ttaano oluvannyuma lw'okwegatta nga takozesezza kapiira oba enkola endala. Empeke eno ekola bulungi nnyo ssinga omukazi agimira amangu ddala nga yaakamala okwegatta.

Enkola eno sikirungi okugikozesa mu kifo kya ziri endala ezimanyiddwa eza bulijjo.

Ebiyinza okuddirira

Abakazi abamu bayinza okulumwa omutwe, okusinduukirirwa emmeeme oba okusesema. Kino ne bwe kibaawo, kimala ennaku ntono ne kiggwaawo.

Weetegereze: Oluvannyuma lw'okumira empeke eno, ssinga abaagalana baddamu okwegatta awatali kukozesa nkola ndala, omukazi asobola okufuna olubuto.

Empeke emiribwa nga waakamala okwegatta



This book is intended to facilitate conversations on family planning using simple, non-technical language. Healthcare providers, community health volunteers or workers, religious leaders, or lay leaders may use this book. This book is not intended to be a full, comprehensive medical book on family planning. Those who use this book should share basic information and refer people who want more information to a health facility. Please consult a health professional for full counseling on all family planning methods.

